

ՎԻՃԱԿԱԿՐԱԿԱՆ ՏԵՂԵԿՈՒԹԻՒՆՆԵՐԻ

ԱՆՀՐԱԺԵՇՏՈՒԹԻՒՆԸ

Ոչ մի ժամանակ մեր ինտելիգենցիան այնքան բուռն ցանկութիւն չի ունեցել օգնութեան հասնելու հայ ազգաբնակչութեան կենսական կարիքներին, որքան վերջին տարիներում. սակայն այդ ցանկութիւնները, ձգտումները հիմնուած լինելով հարեանցի տեղեկութիւնների վրա, չեն մտել կիրառութեան մէջ և կամ՝ իրականանալու դէպքում՝ անյաջողութեան են հանդիպել, որովհետեւ ոչ միայն պատրաստի հող չեն գտել, այլ դուրս է եկել, որ սխալ դադարիտը ունենալով այն միջավայրի մասին, ուր կոչուած էին իրանց նպատակներն իրագործելու, հանդիպել են խոշոր արգելքների և հարկադրուած են եղել բաւական ուժ ու եռանդ վատնելուց յետոյ՝ ձեռնառնայն յետ քաշուել կամ՝ սկսել մի այլ նոր ձեռնարկութեան։

Մեր ինտելիգենցիայից շատ քչերին ծանօթ է հայ ժողովուրդը և այդ բնական է։ Հայկական կեանքի այլ և այլ երևոյթների ուսումնասիրութիւն թէև կատարուած է, թէև մեր պարբերական մամուլը իր թղթակիցների միջոցաւ երբեմն երբեմն այս ու այն գիւղի, շրջանի, քաղաքի մասին տալիս է ուշադրութեան արժանի տեղեկութիւններ, սակայն սոքա մասնակի բնաւորութիւն կրող գրուածներ են, սրանք առօրեայ բազմաթիւ հրատարակութիւնների մէջ աննկատելի են մնում և միամբողջութիւն կազմել չեն կարող. մինչդեռ երբ ցանկանում ենք մեր ժողովրդի տնտեսական կեանքին, նրա բարեփոխութեան համար գործունէութեան որոշ սխառեմատիկ ծրագիր մշակել, մենք պէտք է կանգնած լինենք փաստական հողի վրա, որից դժբաղդաբար զուրկ ենք, չունենալով մեր ձեռքին ճշգրիտ տեղեկութիւններ։ Այդ պատճառով մեր ժողովրդի բարեկեցութեան մասին հոգացողները շատ անգամ իրանց դատողութիւնները հիմնում են մեր երկրից դուրս գտնուած

երկրների առանձնայատուկ փաստերի վրա, որ ի հարկէ մեր վերաբերմամբ կարող չեն բաւարար լինլ:

Ամեն մի առաջարկութիւն, ամեն մի բարեփոխութիւն պէտք է բղխի տեղական հասունացած պահանջներից. իսկ այս պահանջները շօշափելի կլինեն վիճակագրական տեղեկութիւնների ի մի ամփոփելով և հրատարակելով:

Մենք միշտ լսում ենք մեր ժողովրդի բազմազան կրօնաբարոյարան, կրթական, տնտեսական շատ կարիքների մասին, բայց սեղանի վրա չունենք այդ պահանջների չափը թուանշաններով ցոյց տուող տեղեկութիւնները: Մինչդեռ համոզուելու համար հարկաւոր են փաստեր և ոչ լոկ խօսքեր:

Ահա այդ պակասը գէթ մասամբ լրացնելու համար մենք կազմեցինք հարցացուցակ օգտուելով պ. Ս. Զաւարեանի «Ծրագիր գիւղացի Ազգաբնակչութեան տնտեսական վիճակի ուսումնասիրութեան» գրքոյկից կրճատելով մի քանի մանրամասնութիւններ և աւելացնելով հոգևորականութեան և եկեղեցուն վերաբերեալ հարցեր, և այս համարի հետ ուղարկում ենք մեր բաժանորդներին որպէսզի հարցերի դեմաց պատասխանները գրելով մեզ վերադարձնեն:

Վիճակագրական տեղեկութիւնները բաղկացած են հետևեալ մասերից. 1. գիւղական կեանքի ուսումնասիրութեան համար. —

ա. Աշխարհագրական գիրքը և կլիման	10	հարց.
բ. Ազգաբնակչութիւն	9	»
գ. Երկրագործութիւն	11	»
դ. Ոռոգումն	5	»
ե. Այգեպանութիւն, պաշտ, և բանջար.	5	»
զ. Անասնապահութիւն	24	»
է. Արհեստներ	6	»
ը. Գիւղամիջի աշխատանք	7	»
թ. Դրսի աշխատանք	4	»
ժ. Առ և տուր	3	»
ժա. Վարկ և տոկոս	3	»

ժք. Հասարակական եկամուտներ . . .	7	»
ժգ. Հասարակական ծախսեր . . .	5	»
ժդ. Լուսավորութիւն . . .	13	»
ժե. Բարոյականութիւն . . .	11	»
ժզ. Բժշկութիւն . . .	4	»
ժէ. Եկեղեցի . . .	7	»
ժը. Եկեղեցականութիւն . . .	11	»
ժթ. Քաջանայի արդիւնք . . .	14	»

II Քաղաքների համար.—

ա. Հոգևորականութիւն . . .	6	Հարց
բ. Ծուխ . . .	7	»
գ. Լուսավորութիւն . . .	4	»
դ. Քաջանայական արդիւնք . . .	11	»
ե. Եկեղեցական արդիւնք . . .	8	»

Վիճակագրական տեղեկութիւնները կարող են օգտակար լինել միայն այն ժամանակ, երբ հարցերին տրուած են ճիշտ պատասխաններ և մեր հարցերը այնքան պարզ են դրուած, որ առանց դժուարութեան կարող են պատասխանել մեր բարեկրօն հայրերը, որոնց և խնդրում ենք մինչև ներկայ տարուայ վերջը մեզ հասցնել:

Անցեալ տարի Ալէքսանդրապօլի փոխանորդութեան գիւղերի քաջանաներից մենք պահանջեցինք և բացառութեամբ մի երկու գիւղի ստացանք, որն և գտնուում է այժմ մեզ մօտ, բայց աչքի առաջ ունենալով, որ դա միայն հայութեան մի հատուածի վիճակագրական տեղեկութիւններն են, իսկ մենք այդպիսի տեղեկութիւններ չունենք մեր միւս թեմերի գիւղերի և քաղաքների ազգաբնակչութեան մասին, ուստի ուղարկում ենք հարցացուցակները և մեծ յոյս ունենք, որ գիւղական կեանքին մօտիկ կանդնած ծխական քաջանաները չեն զլանալ բարեխղճութեամբ կատարել այս մեր առաջարկութիւնը: Նոյնը խնդրում ենք նաև քաղաքներում գտնուած ծխատէր քաջանաներին, որպէսզի մեր կազմած վիճակագրական

տեղեկութիւնները ամփոփի իւր մէջ Ռուսահայոց ամբողջութիւնը:

Մենք վիճակագրական տեղեկութիւններ կազմողներին կիսնդէինք եթէ հնարաւորութիւն ունեն, աւելի մանրամասն նկարագրել այն բնորոշ երևոյթները, որոնք կարևոր նշանակութիւն ունեն որևէ կուլտուրական, ձեռնարկութեան զարգացման համար, մատնանշել թէ ճիշդիս տնտեսական աշխատանք կարող է զարգանալ իրանց գիւղում՝ կամ իրանց շրջանում: Եթէ կան կարևոր հարցեր, որոնք չեն մտած այս հարցադրուցակի մէջ, թող իրանք կազմեն և կցեն սրան, որ և շնորհակալութեամբ ինկատի կուենենանք ընդհանուր պատկերը կազմելու ժամանակ:

Մաս. վարդ.

